

京師坊巷志

戊午孟夏

京師坊巷志

惲毓嘉



南林劉氏  
求恕齋刊

上海古籍  
書店重印

京師坊巷志序

京師坊巷志上下兩卷卽順天府志卷之十三四義烏朱鼎父侍御江陰繆編修藝風先生所同輯也侍御客游嶺表蕉萃以盡先生假歸數歲復取元書勘定時有損益意將裁篇別出以餉後世詳竊聞其議因亟從臾刻之而謹敘其首曰京師首善厯姓所崇班固張衡號工摘屬咸寫其狀至於坊屯署列平叔牒其秩名巷苞開出太冲侈其猥騎輿區神皋遂著此號亶黃圖故事翔著宮觀宣明建陽劇從葦苒上黨懷義何預州郡之偁馬冀烏衣豈僅王謝之錄鳩而合之取備掌故經緯

雅聞洮汰蓄會雖椎輪於官書可榻署爲別記兩君之  
簷於是偉矣夫皇居帝室九流鱗萃四會蠡午王侯列  
第之區士夫泊宅之所郡國邸舍之攢香亭傳祖道之  
宴集昔人所載澶漫散紀旁魄而論固爲壯觀錯綜最  
錄厥難亦見學非弘瞻交無雅宿游肆闕於借閱發匱  
窮於短說文有可采則纍幅迄書事無所徵則幺弦弛  
柱東臞西瘠判肥瘦而未工乙闋辰張均殷賑而獨逸  
求董公之甲第楊子之宅俄空指潘仁之間居延喜之  
里蓋闕積此畸隻遂爲偏枯其難一也風流遐覽事資  
雅馴權要棲止隆富僑託高閣連雲當道直啟旁羅摺

撫漫有羣厠廬館集宿挾張許史之居鐘鼎擊食鹽豔  
翁質之壯萬章柳市徇薰胥而見書富中玉饌競區宇  
而附麗裁制旣失多詒塵點其難二也藏身人海仕隱  
所充待詔金門通籍禁裏游豫觴詠率儲故實行樂之  
地草木生欣遺響之烈鏗鏘在耳五餐先饋謀景動而  
成光三徑甫開挫廉萃於接跡詞流掌錄雅在兼蒐顧  
有倉卒成書員程迫限以此編輯奚事瑣言藉文蹇淺  
概從擯落於是憑虛安處寥寂無聞清漳夾宅認履綦  
而不呈黃壚乘輶邈山河而焉寄目論一滋雷同相習  
擁簪達者賢絕旦莫其難三也兩君紬書東觀侍彥西

園七略四部流別甄微郢握隨掌淹伊專翫共膺美選  
述成此著掇始斷心妙有源貫凡夫公私載籍鈔彙祕  
冊洞若觀火析如合茹區分類附取證弘撰譬之雙離  
揚輝二龍競馭洛陽茂允之問交豁承明三輔臺卿之  
書定爲決錄徵事富於楊衙不隸伽藍先路踵夫次道  
遠涉勝代方謂塵諸廣內獨煥驪珠祕之帳中快逾鼂  
飽往觀侍御遺書載此志目蓋將有待別行遷延未果  
今先生雅意彙此遙質冥契弦歌赴節應涌蓋山之泉  
篇簡尙新致諾秣陵之答平生風義於此益見或以龍  
漢小劫兩門昔蕪新數中興閭閻變貿江亭藉卉周侯

顧而喟然靈光支持文考嗜其有作則又讀斯志者所  
爲想開元之全盛憶春明之夢餘悵悵於景物睠睠於  
左契也光緒乙巳仲冬興化李詳

# 序

昔嘗讀孟元老夢華錄吳自牧夢梁錄均從衰落追溯繁華流連景光敷演時節其實銅駝荆棘觸目生哀固已言者津津聞者惓惓已光緒五年順天監尹吏部尙書萬文敏公府尹周小棠京兆勑修順天府志延江陰繆筱珊參議義烏朱蓉生侍御分修坊巷以東西城坊考爲法兩君采取明坊巷廝廝集帝京景物略日下舊聞考并按筆記及國朝文集數十種遼金舊蹟名人住宅依地類纂分爲兩卷學人以爲名志志成之後時有增補興化李君審言更爲作序儼重刊而未果今以

稿畀予雖相距止三十年而兵燹滄桑朝市非昔攷其  
未確者補其已佚者改爲十卷昔歲乘輿淀園避暑貴  
人邸第均寓西城淀園相近夜值較便後值燬廢常住  
宮禁寓西城者均遷東城迨頤和園修復又自東而西  
矣況庚子聯兵入都西城之旃檀寺各衲衲均被燒燬  
又因新政學堂兵廠率占民居民政部悉改舊名內務  
部開闢馬路連薹接棟折毀一空阡陌寬廣車馬駢集  
而舊時之京師已大改觀矣嗟乎遺簪墜履昔人所悲  
開元全盛之年春明夢餘之錄今昔聞見無不懸殊徐  
星伯東西京城坊考序云著名人之故居供後人之詩

料歸元功詩云城闕河山千古壯可知不是舊京華況  
乎掌故所關人文所繫酈注揚記典型斯在今則世家  
零落喬木無多從新闢之街衢溯舊京之人物固與夢  
華夢梁二錄同爲憑弔之資而已

歲次強圉大荒落孟陬吳興劉承幹序於歇浦之嘉業  
堂

京師坊巷志卷一

求恕齋叢書

義烏朱一新  
江陰繆荃孫 同撰

吳興劉承幹重訂

周官之制度地居民九經九緯經涂九軌類若畫一所  
以建 皇極而隆上儀也 京師衢巷大氏襲元明之  
舊瑣聞佚事往往而在若其規制之沿革習俗之隆窳  
民生之息耗則又考古鏡今者之淵海矣顧方志扇略  
靡所取材昔賢纂著概而無紀爰鉤考其言之雅馴者  
述爲斯篇或里語流傳著於眾口而載籍無所徵者則  
闕之辟不敏也牙署寺觀標綱補闕抑亦志地者所不

廢若閭巷叢祠王侯甲第郡國計車之所萃寓公篇詠  
之所傳聞涉繁蕪要關掌故 案洛陽伽藍記略標故  
宅宋氏長安志從之至徐氏東西京城坊考尤爲詳悉  
今仿其例悉加甄錄惟流連景光之作概無取焉大輅  
椎輪事資勦始兼乏擘精之暇慙辭舛陋之譏匡謬拾  
遺以俟來哲志坊巷

中西坊

隸中城凡 皇城自地安門以東內城自東長安街  
以北王府街以西兵馬司衙衙地安橋以南外城自  
正陽門大街西至西河沿關帝廟煤市橋觀音寺前

石頭衢南至西珠市口大街又南至永定門西皆屬焉

中東坊

隸中城凡 皇城自地安門以西內城自西長安街以北西大市街以東護國寺街地安橋以南外城自正陽門大街東至打磨廠蕭公堂草廠二條衢蘆草園南至三里河大街皆屬焉

朝陽坊

隸東城凡內城自東大市街以東東直門街以南皆屬焉外廂則東便門朝陽門東直門外其分地也

崇南坊

隸東城凡內城自崇文門街王府街以東交道口北  
新橋以南外城自崇文門外三轉橋以東左安門以  
北皆屬焉

東南坊

隸南城所屬皆外廂南則永定門左安門右安門門  
外東則廣渠門外西則廣寧門外其分地也

正東坊

隸南城凡內城東自崇文門街西至太平湖城根北  
至長安街外城自崇文門外大街西至打磨廠蕭公

堂北至三里河大街西南至永定門東左安門西皆屬焉

關外坊

隸西城凡內城自西大市街以西阜成門街護國寺街以北德勝門街以東皆屬焉外廂則阜成門西直門西便門外其分地也

宣南坊

隸西城凡內城自瞻雲坊大街以西報子街以北阜成門街以南外城自宣武門外大街迤南至半截衙街以西皆屬焉

靈椿坊

隸北城凡內城自德勝門街以東地安橋兵馬司衙  
衙交道口東直門街以北皆屬焉外廂則安定門德  
勝門外其分地也

日南坊

隸北城所屬皆外城自煤市橋觀音寺前石頭衙  
板章衙衙以西宣武門外大街半截衙衙以東皆屬  
焉又靈椿坊來屬三鋪詳後

會典事例  
參城冊

定制以內城轄於步軍統領外城外廂設城官以理  
之而皆董於巡城御史初以正指揮司命案緝盜賊